

四庫全書

史部

欽定四庫全書

史部

皇朝通志卷六十四
至七十

編修臣錢樾覆勘

總校官編修臣倉聖脉

欽定四庫全書

皇朝通志卷六十四

職官畧一

官制

臣等謹按稽古帝王建國設官分職以為民極自
雲龍水火五雉五鳩其風尚矣唐虞惟百夏商官
倍至於成周三百六十之名班班可考秦漢以後
迄於元明代有增損備見前志我

朝制度典章炳焉大備

國初創建八旗設八大臣為固山額真有事與諸貝勒偕坐會議又有五大臣十六大臣凡料理國政出兵駐防各舉其治至

太宗文皇帝天聰五年設六部每部

命一員勅主之各有承政叅政啟心郎等員以滿洲蒙古

漢人兼授十年三月設內國史祕書宏文三院掌

編纂撰擬之事其都察院理藩院議政大臣蒙古

漢軍八旗官員亦次第分置內外文武綱舉目張
世祖章皇帝定鼎燕京統一方夏內官自閣部以至庶司
外官藩臬守令提鎮將弁雖畧仿明制而滿漢並
用大小相維創制顯庸超軼前代

列聖相承凡所以綜覈名實澄叙官方者至周且備我
皇上功成治定條理精詳官制間有更定皆因時以制
宜至於

神武布昭

德威遠播伊犁回部諸地二萬里而遙盡歸版宇

命大臣前往辦事建立各官復因其舊號存伯克等名
目碁布星羅無殊內地是以心膂股肱之任歌喜
起於朝端翼為明聽之風凜敬共於夙夜聲教所
及罔不率俾臂指相維無遠弗屆嚴肅整齊三代
盛時尚難媲美又豈秦漢後所能比擬於萬一也
哉按鄭志原畧溯前古三代秦漢以來設官之制
俱以唐六典為準故卷首別載大綱分類各有總

叙而續通志則各為一編蓋以一代有一代之規模名目遞更不相沿襲變而通焉以各存其規制我

國家設官分職因革咸宜自無庸更襲六典之舊勉強以求其合今僅依

大清會典序次輯職官畧八卷其祿秩官品各門亦附於卷末焉

宗人府

宗令宗正宗人

宗令一人左右宗正各一人左右宗人各一人並順治九年置掌

皇族之屬籍以時修輯爵祿均其惠養而布之教令凡親疎之屬胥受治

焉初制宗令以親王郡王統理宗正以貝勒貝子兼攝宗人以鎮國輔國公及將軍兼攝後擇賢任使不復以封爵為限

府丞

漢人一人順治九年置掌校理漢文冊籍初制有覺羅啟心郎二員漢軍啟心郎二員與

府丞均為正官康熙十二年裁啟心郎惟設府丞一員

左右司

理事官宗室各二人副理事官宗室各二人主事宗室各二人分掌左右翼覺羅之

籍並書其子女適庶生卒婚嫁官爵名謚以備

玉牒紀載凡承襲次序秩俸等差及養給貧

幼優恤婚喪之事時為稽核綜理焉初設郎中六員員外郎四員主事四員康熙十二年始分隸左右兩司三十八年兩司各裁郎中一員雍正二年改郎中為理事官改員外郎為副理事官雍正二年仍舊名初制皆以覺羅為之後以覺羅滿洲參用雍正二年定以宗室滿洲參用乾隆二十九年准府丞儲麟趾奏定理事官以下筆帖式以上悉以宗室為之

經歷

宗室二人順治九年置掌出納文書

堂主事

宗室二人漢人二人宗室主事順治九年置掌奏疏稿案漢主事雍正元年增置掌

漢文
冊籍

筆帖式

宗室二十四人順治九年置掌繕譯文書

師傳保加銜

太師太傅太保少師少傅少保太子太師太子太

傅太子太保太子少師太子少傅太子少保

俱為文武

大臣加銜及贈銜無專職

內閣

大學士

滿漢各二人均由率百僚補授後請

特簡贊理機務兼翰林院及六部

尚書銜

殿閣名凡六曰

文淵閣

保和殿

文華殿

武英殿

名二乾隆十三年省

中和殿銜增入

體仁閣

街為殿閣名各三

國初置文館天聰十年改為

三院曰內國史院曰內祕書院曰內宏文院各設大學士一人分其事為職掌內國史院掌記注

掌撰詔令編纂書史及擬撰表章之屬內祕書院外國往來書狀及教諭祭文之屬內

宏文院掌註釋歷代行事善惡勸誡侍講皇子並教諸親王及德行制度之屬順治御前

元年增設學士二年定為正二品衙門以翰林官分隸內三院稱內翰林國史院內翰林祕書院內

翰林宏文院增設侍讀學士侍讀等官九年設典籍十五年改內三院為內閣其大學士俱改殿閣

銜仍分設翰林院十六年裁學士侍讀學士等官十八年復改內閣為內國史院內祕書院內宏文

院裁翰林院康熙九年仍改為內閣另設翰林院如舊制十年仍補授學士以下等官滿漢大學士

順治元年設六員不備官康熙間率用四員雍正年以來多用至六員乾隆十三年定制滿漢各二

員

尚書協辦大學士

滿漢各一人以六部尚書簡充雍正間初置與大學士同

釐間務自後定制滿漢或一員或二員因人酌派

學士

兼禮部侍郎銜滿六人漢四人掌敷奏本章傳宣綸綍初制置滿學士三員漢軍三

員自順治元年以後增減不一康熙九年定滿學士二員十年增四員又定漢軍二員漢人二員十二年以漢軍併於漢缺共四員俱兼禮部侍郎銜

侍讀學士

滿四人蒙古二人漢二人掌收發本章總稽繇譯順治二年置初兼太常寺卿

銜後停
兼銜

侍讀

滿十人蒙古漢軍漢人各二人掌勘對本章

校簽票順治二年置初兼太常寺少卿光

祿寺少卿銜

尋停兼銜

典籍滿洲漢軍漢人各二人掌收貯圖籍出納文

移內閣為典掌絲綸之地自大學士以

下皆不置印惟典籍給印以

鈐往來文牒順治九年置

中書滿七十人蒙古十有六人漢軍八人漢人三

十人貼寫中書滿四十人蒙古六人掌撰擬

紀載緒譯繕書之事

臣等謹按漢人中書自康熙初定制專以進士舉

朝考入選者為之我

皇上鑾輅時巡諸生有獻賦

行在者每蒙

召試拔其尤以充是職登用之途視前代益為華選矣

中書科中書舍人

滿二人漢四人掌書寫誥敕

臣等謹按內閣自侍讀學士以下辦理本章分為五所曰滿本房專司繕寫清字校正清文曰漢本房專司繙譯清漢文曰蒙古本房專司繙譯外藩

章奏及繕寫頒行西番屬國

詔敕曰滿票籤處曰漢票籤處專司繕寫清漢票籤記

載

諭旨及撰文之事又有稽察房稽察各部院遲延事件
月終彙奏大學士酌委侍讀學士侍讀中書兼司
之又稽察欽奉

上諭事件處雍正八年置以滿漢大學士各部院堂官
兼領其文移鈐以典籍印以上各處雖非設有專

官而職守所存均闕綸扉典則謹附識

翰林院

掌院學士

滿洲漢人各一人掌制誥文史以備天子顧問其屬待詔滿洲漢人各二

人典簿滿洲漢人各一人孔目滿洲漢人各一人筆帖式滿洲四十人漢軍四人

侍讀侍講學士

滿洲各二人漢人各三人南書房侍值上書房教讀自講讀學

士以下皆預選派其直省主考提督學政亦預焉

侍讀侍講

滿洲各二人漢人各三人侍讀以下掌撰述編輯侍值經幄

修撰編修檢討

無定額修撰狀元授職編修一甲二名三名及二甲授職檢討三甲授職

庶吉士

無定額讀書教習庶常館以滿漢大臣各一人充教習選講讀以下官分司訓課名

習
小教

臣等謹按翰林初隸內三院順治元年設掌院學士本正五品以兼禮部侍郎銜者為正三品康熙二十八年以大學士兼管掌院事其後遂有以大學士尚書侍郎兼攝者初設漢掌院學士一人漢講讀學士各一人後仍併入內三院十五年復設如元年制增滿掌院學士一人漢講讀學士各一

人漢講讀各一人康熙九年增設滿漢講讀學士
各三人講讀各三人乾隆五十年裁滿講讀學士
各一人滿講讀各一人

經筵講官

滿漢各八人以大臣兼充恭遇經筵掌院按期奏請撰擬講章進呈屆期請

旨簡泳滿漢各二人進講

日講起居注官

不專設翰詹官以原銜充之記注官滿洲八人漢人十二人主事滿洲二

人漢人一人筆帖式十六人凡遇御門聽政朝會宴饗大祭祀大典禮及常朝以滿漢日講官

各二人近前侍班凡綸音敷奏逐一記注自順治十四年始設日講官康熙九年置起居注

館於太和門西廊設滿漢記注官俱以日講官兼攝康熙五十七年裁雍正元年復設乾隆元年定滿漢員額如今制凡記注官均兼日講繫銜

臣等謹按儒學之臣以文章主撰述以筆札司紀載出入承明最稱華選其讀講學士以下及詹事諸臣屢蒙

御試

親定甲乙又定五年輪班引

見之例造就裁成

恩意優渥玉堂盛軌洵乎振古為昭矣

文淵閣閣職

領閣事

滿洲漢人各一人掌總領秘書典司冊府乾隆四十一年詔置閣職掌所貯

四庫全書授領閣事以大學士掌院學士兼充直閣事以下咸定額有差

提舉閣事

一人以內務府大臣兼充掌率內務府官屬以綜理閣事

直閣事

六人以科甲出身之滿洲漢人內閣學士內班出身之滿洲唐事少唐事讀講學士

漢人唐事少唐事讀講學士等官兼充掌典司鑒輯之事以時與校理檢閱輪直凡春秋曝書則董

率而經理之

校理

十有六人以内班出身之滿洲庶子以下漢人庶子以下翰詹官員及科甲出身之內閣

侍讀

等官兼充分

掌註

冊點驗之事

檢閱

八人以由科甲出身之內閣中書兼充掌排次清釐之事

內務府司員

辦理閣事內務府司員四人筆帖式四人掌一切收發啟閉掃除之事

臣等謹按

國朝定制大學士以

文淵閣繫銜而閣制未建乾隆三十七年

特詔直省守吏購訪海內遺書以廣石渠藏棄爰

敕館臣排校繕錄彙為四庫全書凡三萬六千冊而羸命於

文華殿後鼎建

文淵閣以貯之四十一年

詔仿麟臺故事所載敕置閣職以資典守蘭臺東觀益昭美備又於

圓明園置

文源閣

避暑山莊置

文津閣

盛京建

文溯閣分部珍藏而全書中採擷精詳別為薈要萬二千冊於

御花園之摘藻堂

圓明園之含經堂各貯一部以便省覽復

命續繕三部貯揚州大觀堂之文匯閣鎮江金山寺之

文宗閣杭州

聖因寺行宮之文淵閣

特發帑金募工抄錄俾江浙士子得以快讀祕書觀摩

騰寫

教思廣被藝苑歡騰

文治之隆洵乎振古為昭矣謹因閣職而備載於此

詹事府

詹事

滿洲漢人各一人漢詹事兼翰林侍讀學士街掌坊局之政事凡遇有會議朝審諸大政

侍九卿科道參預馬其屬
主簿二人筆帖式六人

少詹事

滿洲漢人各一人漢少詹
事兼翰林侍講學士銜

左春坊左庶子左中允左贊善

滿洲各一人漢人
各一人與右春坊

各官掌記注纂修之事
分兼翰林讀講編檢銜

右春坊右庶子右中允右贊善

滿洲各一人
漢人各一人

司經局洗馬

滿洲漢人各一人漢洗馬兼翰林修
撰銜掌經籍典制圖書刊輯收藏之

事所屬正
字一人

臣等謹按詹事府順治元年設少詹事一人其年

十一月省歸內三院九年四月復設詹事以下等
官又有滿洲左右諭德乾隆十三年裁左右春坊
初設左右諭德亦先後裁省又按詹事之名始於
秦漢迄於有明大率為東宮官屬我

國家萬年垂統

睿慮深長

家法相承不事建儲

皇子皆在

尚書房讀書選翰林官分侍講讀日有程課

特命大臣為總師傅以綜領其事凡詹事坊局之舊稱
官僚者特留以備詞臣遷轉之階法度周詳超軼
前古

皇上典模垂示

宸諭屢頒良法昭垂洵萬世不易之隆軌也

吏部

尚書

滿洲漢人各一人掌中外文職銓叙黜陟黜陟之政釐飭官掌以贊邦治國朝自天聰

五年始設六部每部一員勅主之六部置承政參政與啟心郎順治元年停員勅總理例政承政為尚書參政為侍郎五年定滿漢尚書各一人七年增設滿洲尚書一人八年仍令親王郡王兼攝部務九年停十年復裁滿洲尚書一人十五年裁啟心郎雍正元年以來常以大學士兼理部務與尚書率其屬以叙正羣吏焉

左右侍郎

滿洲漢人各一人順治五年定額掌佐理銓衡以貳尚書漢右侍郎初制兼翰

林院學士銜其非翰林出身者不兼尋罷兼銜

文選司

郎中滿洲三人蒙古漢人各一人員外郎滿洲漢人各二人主事滿洲一人漢人二

人掌班秩遷除均平銓法崇德三年六部設理事官副理事官順治元年改理事官為郎中副理事

官為員外郎各司員額初制裁增不一後定設如
今制漢缺郎中員外郎主事皆以由科甲出身者

注授禮部同

考功司

郎中滿洲三人漢人一人員外郎滿洲二人蒙古漢人各一人主事滿洲一人漢人

二人掌論劾考察旌別功過

稽勲司

郎中滿洲漢人各一人員外郎滿洲二人漢人一人主事滿洲漢人各一人掌更名

改籍終養服制兼稽在京文員俸廩

驗封司

郎中滿洲漢人各一人員外郎滿洲二人漢人一人主事滿洲蒙古漢人各一人掌

廕土司嗣職封贈集

堂主事

滿洲四人漢軍一人掌文案者滿洲二人掌章奏者滿洲二人漢軍一人

司務廳司務

滿洲漢人各一人掌出納文書稽察胥吏

筆帖式

滿漢五十七人蒙古四人漢軍十二人掌繕譯清漢章奏文籍

臣等謹按

本朝諸司衙門各置滿洲蒙古漢軍筆帖式以繙譯

清漢章奏文牘蓋即金元女直令史譯史蒙古筆

且齊之職而其原實沿歷代令史遺制特是唐宋

用人頗輕而今筆帖式登用之廣遷擢之優固非

前代僅稱雜流者所可比也

戶部

尚書

口滿洲漢人各一人掌天下土田戶財穀之政平準出納以均邦賦

左右侍郎

滿洲漢人各一人順治元年定掌審計國用以貳尚書滿漢右侍郎兼管理錢

法堂
事務

十四司

山東司郎中滿洲二人漢人二人員外郎滿洲三人漢人一人主事滿洲漢人各一

人山西司郎中滿洲漢人各一人員外郎滿洲蒙古漢人各一人主事滿洲漢人各一人河南司郎中滿洲漢人各一人員外郎滿洲二人漢人一人主事滿洲漢人各一人江南司郎中滿洲漢人各

欽定四庫全書

卷六十四

一人員外郎滿洲三人漢人一人主事滿洲漢人各一人江西司郎中滿洲漢人各一人員外郎滿洲二人漢人一人主事滿洲漢人各一人福建司郎中滿洲漢人各一人員外郎滿洲五人漢人一人主事滿洲蒙古漢人各一人浙江司郎中滿洲漢人各一人員外郎滿洲二人漢人一人主事滿洲員外郎滿洲二人湖廣司郎中滿洲二人漢人一人主事滿洲漢人各一人陝西司郎中滿洲蒙古漢人各一人員外郎滿洲三人漢人一人主事滿洲漢人各一人四川司郎中滿洲漢人各一人員外郎滿洲二人漢人一人主事滿洲漢人各一人廣東司郎中滿洲漢人各一人員外郎滿洲三人漢人一人主事滿洲漢人各一人廣西司郎中滿洲漢人各一人員外郎滿洲四人漢人一人主事滿洲漢人各一人雲南司郎中滿洲二人漢人一人員外郎滿洲三人漢

人一人主事滿洲漢人各一人貴州司郎中滿洲
漢人各一人員外郎滿洲三人漢人一人主事滿
洲漢人各一人各掌
其分省及兼領之事

堂主事

滿洲四人漢軍二人直南檔房者滿洲二
人掌八旗編審直北檔房者滿洲二人漢

軍二人掌酌撥餉銀校勘
奏章俱順治元年定額

司務廳司務

滿洲漢人各一人
順治元年定額

筆帖式

滿洲百人蒙古四
人漢軍十有六人

臣等謹按戶部自十四司外其別領者有三曰井
田科掌覈八旗土田內府莊戶凡入官房宅地畝

及歲租斂給之數悉以咨之雍正十二年置曰俸
餉處掌覈八旗官兵俸餉庫銀丁冊視所由牒請
畫一而給受之曰現審處掌治八旗戶口田房之
訟會刑部以聽其成皆鑄給關防乾隆十三年置
堂官遴司屬分治其政令無定員

盛京戶部

滿侍郎一人經會司郎中員外郎主事各
一人糧儲司郎中員外郎各一人主事二

人農田司員外郎二人主事一人銀庫掌關防監
督郎中員外郎各一人司庫二人倉監督正副各
一人管屯田六品官二人堂
主事二人筆帖式二十一人

臣等謹按續通志職官畧載明官制南京各部附
於在京各部之中今依其例以

盛京五部堂司諸員依次編入雍正間有漢郎中員
外郎主事等官乾隆八年定五部司官仍專用旗

員

內倉監督

滿洲二人內倉本明內官監倉順治十
年改今名專隸本部以供內府奉祭

祀待外藩屬國朝貢之饗餼教習官役之庫粟牧
馬之豆成貯焉監督應時而給之初屬之廣西司
滿漢司官康熙三十二年定於應除小差之滿洲
蒙古漢軍年久司官內次除一人管理雍正元年

政定於本部滿洲司
官內委用二年而代

三庫

管理三庫大臣無定員於大臣內簡用
掌綜理三庫之政令稽其財用出入之數月

有要歲有會皆覈實以聞雍正元年始置特
鑄管理三庫銀印以授之銀庫郎中一人員外郎

二人司庫一人大使二人皆滿洲員額掌銀貨解
納收支之政令凡直省田賦及關市鹽茶諸稅課

咸入焉歲有常數部覈數無闕迺移庫准部定權
衡受之如啟積驗封有作弊及數不實者論段足

庫郎中一人員外郎二人司庫二人大使一人皆
滿洲員額掌幣物收支之政令凡歲用黹帛紗縠

咸入焉由織造官市絲民間織染輸部部移庫受
之所需財用皆給公帑具冊達部以待稽覈有造

作不如法者論顏料庫郎中一人員外郎二人司
庫二人大使一人皆滿洲員額掌雜物收支之政

令凡器用所需百物之良若銅錫鉛鐵丹青楮綠
香楮茶蠟之屬咸入焉直省有司各以其土產歲
走正賦市自民間大者疏聞下部小者以冊
達部覈其數移庫受之擇採不精良者論三庫堂
主事一人滿洲員額掌三庫文案凡財賄之受藏
於庫及取用於庫者皆書其數歲終廼執其總會
三庫羣吏之籍而參考之以待奏銷初順治元年
止設後庫置滿洲郎中四人員外郎二人司庫六
人十三年分建三庫置理事官二人以總其事增
司庫二人康熙二十五年定制三庫各置郎中一
人員外郎一人司庫二人雍正二年三庫各增員
外郎一人置大使各一人省銀庫司庫一人乾隆
三年增銀庫大使一人凡郎中員外郎闕各部院
於所屬諸司遴選賢能者送部引見補用三
年更選以代司庫大使亦如之雍正二年置三庫
筆帖式十有五人庫使二十有六人皆滿洲員額

分隸三庫各佐其長以行遣文書稽考出納筆帖式初置十人順治十二年增置二人康熙二十五年定置二十四人雍正二年省九人庫使初置三十二人雍正二年增顏料庫一人省銀庫六人設足庫一人

臣等謹按三庫即唐宋之太府左右藏庫而

特簡大臣綜理近于唐之度支使宋之三司使而月有要歲有會立法更為詳備云

錢法堂

右侍郎滿洲漢人各一人寶泉局歲鑄錢六十一卯遇閏則加鑄四卯局之政令以

部之右侍郎掌之初止漢人右侍郎一人康熙十八年令滿洲右侍郎一人公同督理十九年以給

事中御史稽察錢局雍正三年停遣乾隆二十六年戶部錢法堂置掌稿司官滿洲漢人各一人於各司屬中選委寶泉局監督滿洲漢人各一人大使滿洲五人掌鑄造緡錢收納銅課以裕國儲以利民用其監督俱無專員由六部滿漢司官遴選保舉引見簡用二年而代

各省錢局監鑄官

十有八人凡天下鼓鑄緡錢者十有四省新疆則開鑪伊犁如

各省之制皆隨其地之宜作之泉布以交易流通前民利用以布政使等總其成而受法式於戶部各置監鑄官以判局事直隸寶直局一人以保定府同知充山西寶晉局一人陝西寶陝局一人江蘇寶蘇局二人俱以佐貳官選充浙江寶浙局二人以同知通判選充福建寶福局一人亦以佐貳官選充江西寶昌局一人以南昌府同知充湖南寶南局一人以長沙府同知充湖北寶武局一人

以武昌府同知充廣東寶廣局一人四川寶川局
一人俱以同知通判選充廣西寶桂局一人布政
使於所屬官內任便選充雲南寶雲局一人以雲
南府知府充雲南東川局一人以東川府知府充
貴州寶黔局一人以貴陽府知府貴筑縣知縣或
通判縣丞選充伊犁寶伊局一人以伊犁同知充

總督倉場

右侍郎滿漢各一人掌總稽歲漕之入
以均康祿以儲軍餉凡南北漕艘京通

倉庾悉隸焉順治元年初設漢倉場侍郎一人九
年設滿洲漢軍倉場侍郎各一人尋裁漢軍員額
康熙八年復裁漢人員額止設滿洲侍郎一人八
年定制設滿洲漢人侍郎各一人又有總理滿洲
侍郎一人順治四年置與總漕同理漕
務八年裁十二年復置十八年仍裁

坐糧廳

滿洲漢人各一人以各部郎中員外郎掄
選簡充二年而代掌北河落淺修築

隄岸牘壩催趙漕艘抵壩回空督令經紀車戶轉運輸倉兼司通濟庫銀出納及抽收通州稅課之事所屬通濟庫大使一人通流慶豐牘官各一人順治元年通州坐糧廳止差戶部漢人司官一人康熙二年添差戶部滿洲司官一人二十六年定制依各關差例以各部院官員通行差遣初制給事中御史亦得選充乾隆四十九年停止又初制有坐糧廳筆帖式一人尋省

各倉監督

大通橋監督滿洲漢人各一人以各倉監督掄選調充凡石壩運到漕白二糧

抽驗斛面督催車戶分運京倉及隨糧松板支收之事皆屬焉初差戶部漢人司官一人康熙二年改設滿洲漢人各一人尋省四十七年以通州大通橋會清河相隔甚遠事難兼辦仍設滿洲漢人監督各一人管理京通各倉監督滿洲漢人各一人在京倉十有三曰祿米倉曰南新倉曰舊太倉

曰海運倉曰北新倉曰富新倉曰興平倉曰太平倉曰本裕倉曰萬安倉曰儲濟倉曰裕豐倉曰豐益倉凡八旗五營兵食官軍牧馬豆貯馬通州倉二曰西倉曰中倉凡王公百官俸康米貯馬惟豐益倉自內務府遣官主之其十四倉監督以內閣中書部院監寺屬官掄選引見注其名於籍有闕員則戶部掣籤以授三年而代掌漕白二糧交納上倉及收貯支收之事初制差戶部滿洲漢人司官管理諸倉或一人或二人增損不一康熙五十年始定每倉置滿洲漢人監督二人五十七年令九卿各舉其屬以待簡用雍正元年選部曹之候補者充其任二年置副監督以預監督選者於應代先一年為之稱職則如期交替不及者罷免四年復以滿洲各部院筆帖式及漢人之候補道府同知知州者掄選充補勤職者擢用之尋改定如今制又各倉原設筆帖式一人後俱省

筆帖式

滿洲四人順治元年
置掌受遺文書之事

臣等謹按現行定制稽察倉儲京倉以都統副都
統通倉以通永道通州副將專司其事若倉有滲
漏米有盜竊者移倉場治之滿漢御史則每倉歲
差一人通稽一歲內收漕發米釐剔弊端以重

天庾儲備蓋即唐監倉明巡倉之職而立法周詳視前
代益昭嚴慎矣

皇朝通志卷六十四

欽定四庫全書

皇朝通志卷六十五

職官畧二

禮部

尚書

滿洲漢人各一人掌吉嘉軍賓凶之秩序學校貢舉之法以贊邦禮

左右侍郎

滿洲漢人各一人順治元年定掌祇若典以貳尚書漢人左右侍郎初制俱

兼翰林學士銜其非翰林

出身者不兼尋罷兼銜

儀制司

郎中滿洲二人漢人一人員外郎滿洲三人漢人一人主事滿洲漢人各一人掌嘉

禮軍禮凡朝廷典禮具上其儀而辨其名數以頒式於諸司三歲大比天下士掌其名籍焉

祠祭司

郎中滿洲二人漢人一人員外郎滿洲三人蒙古漢人各一人主事滿洲漢人各一

人掌吉禮凶禮凡大祀中祀羣祀以歲時辨其序事與其用等以詔執事者而揚其職喪祭之式揀卹之禮皆眡其數而為之制天下術數醫卜僧道則司其禁令焉

主客司

郎中滿洲一人蒙古漢人各一人員外郎滿洲二人主事滿洲漢人各一人掌賓禮

凡四夷朝貢之儀館餼賜予之數高下之等封冊之命悉隸焉

精膳司

郎中滿洲漢人各一人員外郎滿洲二人主事滿洲一人蒙古漢人各一人掌五禮

燕饗之儀與其牲牷

鑄印局

員外郎漢人一人筆帖式署主事滿洲一人大使漢人一人掌鑄造金寶金印

及內外百司之印信順治元年設鑄印局滿洲員外郎一人尋省雍正十一年定於禮部司屬內遴選一人以司局事一年而代乾隆二年復設漢員外郎一人以筆帖式行主事二年稱職者擢之大使由儒士選充五年稱職以應陞官用

堂主事

滿洲三人漢軍一人分掌章奏文案順治元年定額

司務廳司務

滿洲漢人各一人順治元年定額

筆帖式

滿洲三十四人蒙古二人漢軍四人滿洲漢軍員數順治元年定蒙古員數雍正十

二年增定分隸各司視事之繁簡以定額

臣等謹按禮部初設馬館二正副監督各一人乾隆二十七年省監督官以馬館歸理藩院經理又禮部初設滿宣表官四人後裁二人今亦省併太常寺謹附識於此

盛京禮部

滿侍郎一人左右二司郎中各一人員外郎各二人讀祝官八人贊禮郎十六人管

千丁六品七品官各一人迎送朝鮮官三人助教四人堂主事一人筆帖式十人

樂部

總理樂部事務禮部滿洲尚書一人各部院內務府大臣無定員乾隆七年始置樂部凡

郊

廟祠祭之樂神樂署司之殿

廷朝會燕饗之樂和聲署司之宮中慶賀燕饗

之樂掌儀司司之鏡歌鼓吹前部大樂鑾儀衛司
之均隸於樂部特簡典樂大臣以治樂政考

五音六律以合陰陽之聲應天地之和凡大祭祀
大朝會則立於宮懸之次歲春秋仲月大合樂於
掌儀司則率所屬莅視以稽其節奏而正其律呂
焉神樂署署正漢人一人署丞漢人二人協律郎
漢人五人司樂漢人二十有三人掌祠祭樂章佾
舞之數習其聲容辨其條理以詔樂工凡樂生一
百八十人舞生三百人咸隸焉順治元年設太常
寺協律郎五人司樂二十六人神樂觀提點一人
左右知觀各一人康熙三十八年省協律郎一人
司樂二人雍正二年復置如初額乾隆二年增設
司樂三人八年改神樂觀為神樂所知觀改為知
所九年省司樂六人二十年改神樂所為神樂署
提點改為署正知所改為署丞和聲署署正滿洲
漢人各一人署丞滿洲漢人各一人供奉供用無

定員掌朝會樂律及諸隊舞儀節初順治元年沿明制設教坊司以掌宮懸太樂置奉鑾一人左右韶樂各一人左右司樂各一人協同官十五人俳優二十人色長十七人歌工九十八人尋省協同官五人俳優長無定員雍正元年始除樂戶籍更選精通音樂之人充教坊樂工七年改教坊司為和聲署除奉鑾韶舞等官名乾隆七年定設署正署丞侍從待詔供奉供用官均以禮部內務府太常寺鴻臚寺官兼攝其侍從待詔無正員以為署正署丞之加銜所屬署史百二十人

臣等謹按我

朝初設樂部以領樂政而

壇

廟祀事亦令禮部官敬司厥職故禮部滿洲尚書兼樂部
太常寺鴻臚寺事務容臺之長始盡兼秩宗典樂
之任上與周制相符矣和聲署即前代之教坊司
本朝特加釐正以典朝會燕饗之樂而鏡歌鼓吹則
別掌之鑾儀衛官前代太樂總章鼓吹之司存秩
然咸得其條理近復

命纂輯律呂正義簡要一書審定宮商角徵羽五音俾
伶倫咸知肄習金石均諧同和盛軌洵與唐虞三

代比隆矣

會同四譯館

提督會同四譯館禮部郎中兼鴻臚寺少卿銜一人掌四夷朝貢之國設

廣厦以待貢使之至置象譯以通言語習番夷書凡貢使就館率大使庀治屋宇稽其出入互市之事視其脯資餼牽毋有不給若朝見及賜燕

頒賞皆館卿率使臣以行禮焉初制會同四

譯分設兩館會同館自順治初置即隸禮部以主客司滿洲漢人主事各一人提督館事十四年設員外郎品級通事一人掌會同館印尋省雍正十年改定會同館監督由部掄選引見簡

用一人四譯館則國初沿明制置隸於翰林院

設太常寺漢少卿一人提督館事立回回緬甸百

夷西番高昌西天八百暹羅八館以譯遠方朝貢文字乾隆十三年以四譯館閒冗無事詔下

大學士禮部定議省提督館事太常寺少卿員額併入禮部為會同四譯館改八館為二曰西域館百夷館以禮部郎中一人燕鴻臚寺少卿銜兼攝之於滿漢郎中內掄選引見請旨簡任三年而代大使漢人一人序班漢人二人朝鮮通事官滿洲十有二人掌治館舍委積以接待人使通外國語言

臣等謹按

國家聲教遠訖八方會同蒙古諸藩咸備宿衛凡前代相傳譯音之訛舛者無不審核精詳

特加釐正而托忒回部諸字亦皆考稽重譯勒有成書

握槓提鉛共知遵守其序班通事之隸四譯館者
乃以相循舊制取備官聯初不藉為象鞮之用同
文盛軌洵三代以來所莫及也

兵部

尚書

滿洲漢人各一人掌中外武職銓選簡覈軍實以贊邦政

左右侍郎

滿洲漢人各一人掌釐治戎政以貳尚書初制增減不一順治元年定設如今

額

武選司

郎中滿洲三人蒙古一人漢人一人員外郎滿洲四人漢人二人主事滿洲漢人各

一人掌武職除選封蔭
及征伐訓誥頒其政令

車駕司

郎中滿洲三人漢人一人員外郎滿洲二人蒙古一人主事滿洲漢人各一人掌驛

傳郵符及
收馬之政

職方司

郎中滿洲四人漢人二人員外郎滿洲三人蒙古一人漢人一人主事滿洲蒙古各

一人漢人二人掌天下
輿圖及敘功數過之政

武庫司

郎中滿洲二人漢人一人員外郎滿洲蒙古各一人主事滿洲漢人各一人掌兵籍

戎齒鄉會武科及
編發戍軍之事

堂主事

掌文案者滿洲二人掌章
奏者滿洲二人漢軍一人

司務廳司務

滿洲漢人各一人

館所監督

滿洲漢人各一人掌驛馬傳郵之政令於本部司員內遴選補充歲周而代

筆帖式

滿洲六十有二人蒙古八人漢軍八人

盛京兵部

滿侍郎一人左右二司郎中各一人員外郎各二人主事各一人驛站監督正副各

一人堂主事二人筆帖式十二人初置盛京戶禮刑工四部康熙三十年增兵部各掌其事

臣等謹按兵部初設督捕侍郎及理事郎中員外

郎主事司務司獄等官後俱省其職事併入刑部

督捕司又初設有會同館大使亦省又京城九門

步軍及巡捕營初設以兵部職方司主事掌之後
歸入步軍統領衙門前代兵權所屬俱歸之兵部
易至廢弛我

朝武功赫濯軍令嚴明凡當

命將出師無不恪承

謨畧初置議政大臣以叅承軍事籌畫自雍正初年以
來復設辦理軍機事務處承

旨書宣

乾綱獨運所至悉迅奏膚功立法精詳實自來所未有

也

刑部

尚書

滿洲漢人各一人掌折獄審刑簡覈法律受天下奏讞咸閱實而上其辭以肅邦憲

左右侍郎

滿洲漢人各一人掌理祥刑以貳尚書

十八司

直隸司郎中滿洲漢人各一人員外郎滿洲一人蒙古一人漢人二人主事滿洲漢

人各一人奉天司郎中蒙古一人漢人一人員外郎滿洲漢人各一人主事滿洲漢人各一人江蘇

司郎中滿洲漢人各一人員外郎滿洲二人漢人

一人主事滿洲漢人各一人安徽司郎中滿洲漢

人各一人員外郎滿洲漢人各一人主事滿洲漢
人各一人江西司郎中滿洲漢人各一人員外郎
滿洲漢人各一人主事滿洲漢人各一人福建司
郎中滿洲漢人各一人員外郎滿洲漢人各一人
主事滿洲漢人各一人浙江司郎中滿洲漢人各
一人員外郎滿洲漢人各一人主事滿洲漢人各
各一人湖廣司郎中滿洲漢人各一人員外郎
滿洲漢人各一人主事滿洲漢人各一人河南
司郎中滿洲漢人各一人員外郎滿洲漢人
一人主事滿洲漢人各一人山東司郎中滿洲漢
人各一人員外郎滿洲漢人各一人主事滿洲
漢人各一人山西司郎中滿洲漢人各一人員外
郎滿洲漢人各一人主事蒙古一人漢人一人陝
西司郎中滿洲漢人各一人員外郎滿洲漢人
漢人一人主事滿洲漢人各一人四川司郎中滿
洲漢人各一人員外郎滿洲漢人各一人主事滿

洲漢人各一人廣東司郎中滿洲漢人各一人員
外郎滿洲二人漢人一人主事滿洲漢人各一人
廣西司郎中滿洲漢人各一人員外郎滿洲漢人
各一人主事滿洲漢人各一人雲南司郎中滿洲
漢人各一人員外郎滿洲漢人各一人主事滿洲
漢人各一人貴州司郎中滿洲漢人各一人員外
郎滿洲漢人各一人主事滿洲漢人各一人各掌
其分省及兼領之事督捕司郎中滿洲漢人各一
人員外郎滿洲一人主事滿洲漢人各一
一人掌八旗及各省駐防逃人之事

臣等謹按刑部初設江南等十四司康熙三十八
年省兵部督捕衙門以督捕前司後司及督捕廳
改隸刑部為十六司雍正元年增置左右二現審

司十二年析江南司為江蘇安徽二司罷督捕前
司及督捕廳併其事於後司仍省後字但曰督捕
司乾隆二年改右現審司為直隸司七年復改左
現審司為奉天司始定為十八司

堂主事

掌文案者滿洲二人掌章
奏者滿洲三人漢軍一人

司務廳司務

滿洲漢人
各一人

筆帖式

滿洲百有五人蒙古
四人漢軍十有五人

提牢主事

滿洲漢人各一人掌稽覈罪囚
於額外主事內選充歲周更代

司獄

北所滿洲二人漢軍漢人各一人南所滿洲二人漢軍漢人各一人分掌南北監

贓罰庫

司庫庫使滿洲二人掌收見審贓罰銀錢

律例館

總裁無定員提調一人纂修四人收掌四人緝譯四人謄錄六人掌修明法令刊定

條式總裁以本部尚書侍郎充之提調纂修以本部司員充收掌等官以本部筆帖式充

盛京刑部

滿侍郎一人前司郎中一人員外郎二人主事一人後司郎中一人員外郎二人主

事一人左司郎中一人員外郎二人主事一人右司郎中主事各一人蒙古主事一人堂主事二人筆帖式二十四人司獄一人

臣等謹按

國初沿明制歲遣三法司堂上官至直省審決順治十四年改遣司屬後停止又按雍正十二年刑部設立總辦秋審處以諳練司員任之其職雖出堂官掄派而專司秋讞所繫綦重矣

工部

尚書

滿洲漢人各一人掌天下工虞器用辨物庀材以飭邦事

左右侍郎

滿洲漢人各一人掌綜事訓工以貳尚書右侍郎兼管錢法堂事務

營繕司

郎中滿洲四人蒙古一人漢人一人員外郎滿洲五人漢人一人主事滿洲二人蒙古

古一人漢人二人掌繕治各工辨物飭材而司其政令

虞衡司

郎中滿洲四人漢人一人員外郎滿洲四人蒙古一人漢人一人主事滿洲三人漢

人二人掌山澤採捕及陶冶

器用修造權衡武備之事

都水司

郎中滿洲五人漢人一人員外郎滿洲五人漢人一人主事滿洲四人漢人二人掌

河防海塘及直省河湖淀泊川澤陂池水利之政令

屯田司

滿洲郎中四人漢人一人員外郎滿洲五人漢人一人主事滿洲三人漢人二人掌

修

制凡大祭祀則供薪炭百司歲給亦如之陵寢大臣及王公百官墳塋之

節慎庫

郎中員外郎滿洲各一人司庫滿洲二人庫使滿洲十有一人掌出納金錢月要歲

會以上

其數

製造庫

郎中滿洲二人漢人一人司匠滿洲二人司庫滿洲二人庫使滿洲二十有三人掌

攻治

金革

料估所司員

滿洲漢人各三人由本部司員選充掌審曲面勢量丈尺權物價以授成

於督工之官工

竣則覆覈之

琉璃廠監督

滿洲漢人各一人由本部司員選充掌陶琉璃器具初專差漢人司官後

改差滿漢

各一人

木倉監督

滿洲漢人各一人由本部司員選充凡各省歲輸木材謹其儲峙以待各工

皇木廠監督

滿洲一人驗收運京木材

街道廳

御史滿洲漢人各一人本部司員一人步軍統領衙門司員一人掌平治道塗修理

溝洫舊制御史一人參用滿漢乾隆

五十年定制派滿洲漢人各一人

堂主事

掌章奏者滿洲一人漢軍一人掌案牘者滿洲二人

司務廳司務

滿洲漢人各一人

筆帖式

滿洲九十三人蒙古二人漢軍十有二人

盛京工部

滿侍郎一人左右二司郎中各一人員外郎各二人主事各一人銀庫司庫一人疏

琉璃官二人堂主事二人四品官五品

官各一人六品官二人筆帖式十七人

臣等謹按工部舊設營繕所所正一員所副一員俱順治十五年省所丞二員順治十四年置雍正四年俱省又舊沿明制有文思院廣積庫柴炭司通州抽分竹木局大使各一員後俱省又初設有柴薪正副監督各一人煤炭監督二人乾隆四十六年以其事併歸內務府經理焉

理藩院

尚書

一人以滿洲蒙古補授掌內外藩蒙古回部及諸藩部封授朝覲疆索貢獻黜陟徵發之

政令控馭撫綏以固邦翰國初設承政叅政後
改為尚書侍郎順治十五年以禮部尚書銜掌理
藩院事以禮部侍郎銜協理藩院事十八年
仍為理藩院尚書侍郎又初置有啟心郎後裁
侍郎一人亦滿洲蒙古額又額外侍郎一人特簡
同蒙古貝勒貝子之賢能者任之職任與尚書

旗籍司

郎中滿洲二人蒙古一人員外郎滿洲三
人蒙古二人主事滿洲一人掌漢南諸藩

科爾沁札賴特杜爾伯特郭爾羅斯敦漢奈曼翁
牛特巴林札魯特喀爾喀左翼阿魯科爾沁克什
克騰土默特喀喇沁烏朱穆秦阿巴城蒿齊忒蘇
尼特阿巴喀納爾四子部落喀爾喀右翼烏喇特
茂明安鄂爾多斯歸化城土默特二十五部落五
十一旗之禮籍疇之封爵正其等次辨其世系三

歲會盟則

遣大臣奉

敕往莅之以同好

惡而頒禁令焉

若歸化城土默特及索倫除授官

校則敘而正之初順治十八年理藩院設四司曰

錄勲賓客柔遠理刑置滿洲蒙古郎中十一人員

外郎二十七人滿洲主事四人漢人主事四人其

後增減不一康熙三十八年省漢人主事員額後

又析柔遠司為二曰前司後司乾隆二十二年改

錄勲司為典屬賓客司為王會柔遠後司為旗籍

柔遠前司仍為柔遠二十六年併旗籍柔遠為一

司增設徠遠司二十七年旗籍柔遠仍分為二司

二十九年復改典屬司為旗籍司其舊

旗籍司即改為典屬司以各符職掌焉

王會司

郎中滿洲一人蒙古二人員外郎滿洲二

人蒙古三人主事蒙古二人掌科兩沁等

諸部落每歲朝覲
之儀貢獻之式

典屬司

郎中滿洲蒙古各一人員外郎滿洲五人

北部喀爾喀後路土謝圖汗喀爾喀東路轍臣汗
喀爾喀西路札薩克圖汗喀爾喀賽因諾顏札薩
克親王等列爵之位盟會之制其青海四部落賀
蘭山厄魯特烏蘭烏蘓厄魯特推河厄魯特額濟
勒土爾扈特都爾伯特等部昨封錫命亦如之諸
喇嘛番僧之受號者則辨其名數授以印劄有差
凡烏魯木齊伊犁防守屯田之政庫倫怡
克圖互市之事咸綜其法式以頒布焉

柔遠司

郎中滿洲一人員外郎滿洲三人蒙古三
人主事蒙古一人掌喀爾喀等部落及喇

嘛番僧朝貢
祿賜之事

徠遠司

郎中滿洲一人員外郎滿洲三人蒙古二
人主事滿洲蒙古各一人掌嘉峪關以西

回部諸城及四川
諸土司之政令

理刑司

郎中滿洲蒙古各一人員外郎滿洲二人
蒙古三人主事滿洲一人掌蒙古及番回

刑罰之事

堂主事

滿洲二人蒙古三人漢軍一人又有校正
漢文官二人於內閣翰林院侍讀學士侍

讀內
奏委

司務廳司務

滿洲蒙古
各一人

筆帖式

滿洲三十六人蒙古
五十五人漢軍六人

銀庫

郎中員外郎各一人司庫滿洲一人筆帖
式滿洲二人庫使滿洲二人掌帑金出納

蒙古繙譯房

員外郎主事各一人

唐古忒學

司業助教各一人筆帖式蒙古四人掌教習唐古忒字

稽察內館外館

監督二人掌致賓於館繕完滌除以待行李

分駐司員

烏蘭哈達三座塔駐劄司官各一人八溝駐劄司官一人筆帖式一人分掌諸

蒙古部落與民人交涉之事察哈爾游牧處理事員外郎蒙古十有六人掌獄訟之事張家口喜峯口獨石口殺虎口古北口管理驛站員外郎各一人掌蒙古各處驛傳之政令

圍場總管

一人左右翼長各一人章京八人驍騎校八人掌木蘭圍場率兵防守司譏察

巡防之禁令

臣等謹按我

朝威德廣被無遠弗届内札薩克藩屬暨喀爾喀青海西藏久受疆索比於内臣

聖武布昭汜濛底定北踰瀚海西越流沙莫不碁布星羅咸歸版籍而綜其成於理藩院仰見

聖治宏敷聲教四訖奔走偕來綏懷罔外固駕漢唐而上之矣

都察院

左都御史

滿洲漢人各一人掌
理臺政整飭紀綱

左副都御史

滿洲漢人各二人掌
察覈官常為臺
長之貳國初置承政參政順治元

年改承政為左都御史參政為左副都御史舊有
滿洲漢軍啟心郎順治十五年省又有漢人左僉
都御史一員乾隆十年省其右都御史為總
督坐銜右副都御史為巡撫坐銜俱無京員

六科給事中

吏戶禮兵刑工掌印給事中滿洲漢
人各一人給事中滿洲漢人各一人

掌傳達

綸音稽考庶政順治十八年設滿洲

漢人各一人給事中一員滿洲漢人左右給事中各一

員漢人給事中二員康熙四年六科止留滿洲漢

人給事中各一員餘俱省五年復增設掌印給事中

中滿洲漢

人各一員

臣等謹按明代給事中自為一曹稱六科都給事中凡章疏案牘得與部院衙門平列迨其末季廷論紛囂給事中以無所隸屬益得恣情自肆我

朝初沿舊制

世宗憲皇帝特命改隸都察院整綱飭紀班序秩然體統益昭嚴肅洵萬世所當恪守也

十五道監察御史

京畿河南江西南浙江山西山東陝西湖廣江西福建四川廣東

廣西雲南貴州十五道掌印監察御史滿洲漢人各一人江南道監察御史滿洲漢人各三人山東

道監察御史滿洲漢人各二人京畿河南浙江山西陝西湖廣江西福建道監察御史滿洲漢人各一人掌糾劾官邪條陳治道初設漢軍御史八員雍正初俱省歸於漢人額內補用又宗室蒙古御史向俱統於滿洲員內乾隆四十六年增置宗室二人而省滿洲二人

臣等謹按舊制御史分十四道而以河南江南浙江山西山東陝西為六掌道分稽在京諸司及各直省刑名河南道仍叅治院事京畿道惟司照刷卷宗六掌道各以二員或一員協理依次遞遷其他則謂之坐道乾隆十四年

特詔釐正按道定額各給印信而以職事分隸之二十年復命以京畿道改列河南道之前俾互易所掌於是敘次

秩然矣

經歷

滿洲漢人各一人掌董察胥吏

都事

滿洲漢人各一人掌繕寫章疏

筆帖式

滿洲三十五人蒙古二人漢軍五人六科筆帖式滿洲八十人

科道各差

巡視京通各倉十有四人一年而代巡視淮安漕務一人巡視濟寧漕務一人

巡視天津漕務一人巡視通州漕務一人掌催督糧運滿漢衆用巡察
盛京吉林黑龍江各一人

俱係滿洲五年輪遣一次巡察臺灣滿洲漢人各
一人掌巡省風俗釐察奸弊每屆期都察院奏請
應否派往候旨以行巡視五城滿洲漢人各
一人掌彈壓地方凡中東南西北五城分蒞而治
之皆布其政令而聽其獄訟大事奏聞小事
則牒刑部結正初有漢軍一人後併歸漢人班內
臣等謹按

國初承明制各省設巡按御史順治十八年停止又
有巡江御史巡視屯田御史俱順治初停止督理
恭馬御史康熙初停止又雍正三年設各省巡察
以督捕盜賊由科道及小京堂官部屬各官輪遣

江寧安徽共一人湖北湖南共一人山東河南共一人四年設直隸巡查御史六人又有巡視山東河南工務御史一員直隸巡農御史一員嗣俱先後停止

五城兵馬司

指揮各一人副指揮各一人吏目各一人俱漢人缺掌緝捕盜賊盤詰奸

宄初以副指揮吏目分治各坊後移東西南北副指揮於郊外而城內事宜以吏目專治之惟中城如舊指揮則專掌檢驗之事

欽定四庫全書

皇朝通志
卷六十五

皇朝通志卷六十五

欽定四庫全書

皇朝通志卷六十六

職官畧 三

通政使司

通政使

滿洲漢人各一人掌受天下章奏校閱送閣

副使

滿洲漢人各一人初設左右通政乾隆十三年改為副使去左右銜

叅議

滿洲漢人各一人初分左右叅議乾隆十三年省左右銜

經歷知事

滿洲各一人漢人各一人掌出納文移承受案牘

筆帖式

滿洲六人漢軍二人登聞鼓初屬都察院衙門

康熙六十一年

始併入通政司

臣等謹按通政使司在明代為朝廷喉舌之總匯
委寄過重奸蔽百出我

朝達聰明目規制周詳凡臣工封事由奏事處恭遞
直達

御前其陳事之疏在內各部院則徑送內閣在外督撫
則送通政使司亦第校閱錯訛送閣票擬

皇上躬親

批答鉅細不遺銀臺閣門無不凜遵定制恪守官常諸弊肅清洵起軼前古萬萬矣

大理寺

卿

滿洲漢人各一人掌平反重辟以貳邦刑與刑部都察院為三法司

少卿

滿洲漢人各一人初設漢人二人後裁一人

左右寺丞

滿洲漢軍漢人各一人分掌直省獄獄之事

左右評事

漢人各一人堂評事滿洲一人

司務廳司務

滿洲漢人各一人掌收發文移

筆帖式

滿洲四人
漢軍二人

臣等謹按我

朝慎重邦刑直省請讞皆令三法司核擬會疏具

奏蓋以刑部核其實以都察院大理寺簡其孚而

大聖人欽恤深仁務使庶獄咸歸平允好生之德洽于

民心洵遠軼虞廷盛軌矣

內務府

總管大臣

無定員以待衛府屬郎中內三院卿
簡用或以王公大臣兼攝掌理內府

之政令凡職員選除財用出入宴饗祭祀膳羞服
御賞賚賜予刑罰工作教習訓導之事皆綜理而
受其成所屬七司及三院皆考核焉國初置內
務府順治十三年改置十三衙門十八年仍改為
內務府

堂司員

堂郎中一人堂主事一人堂筆帖式三十
八人內一人委署主事兼司缺筆帖式四

人掌治堂事凡府屬文職
陞補及章奏文移皆隸焉

廣儲司

總管六庫郎中二人部員兼管六庫郎中
二人郎中四人員外郎十二人部員兼庫

員外郎六人主事一人委署主事一人司庫十二
人無品級司庫十二人筆帖式二十六人俱掌庫

事初名御用監順治十八年分為銀庫皮庫緞庫衣庫康熙十六年改定為廣儲司四庫二十八年分設磁庫茶庫共為六庫

寧壽宮管理事務

郎中二人員外郎二人主事一人委署主事一人筆帖式四人學習筆帖式四人內管領二人掌稽查寧壽宮陳設及造具檔冊之事乾隆四十年派內務府大臣二人專管並設立郎中等官專司其事

織造監督

江寧府蘇州府杭州府各一人司庫各一人筆帖式各二人庫使各二人掌供

奉

上用緞匹歲終造冊呈

內務府以副冊送廣儲司察核

會計司

郎中二人員外郎六人主事一人委署主事一人筆帖式二十六人催長五人掌核

理內府帑項出納之數及莊園地畝戶口徭役定其籍而受其要馬初名內官監順治十七年改為宣徽院康熙十六年改為會計司

內管領

掌關防一人協理關防事務二人內管領三十人副內管領三十人筆帖式八人掌

內廷廳掃帚飾官三倉出納酒菜器皿皆司之

管理三旗納銀莊

郎中一人員外郎六人委署主事一人筆帖式十有二人掌三

旗各莊之糧稅徵收治其賞罰與其撫恤之事

掌儀司

郎中二人員外郎八人主事一人委署主事一人筆帖式二十一人司俎官五人贊

禮郎十有七人掌內府祭祀筵宴禮儀樂舞之事初名禮儀監順治十七年改為禮儀院康熙十六

年定為

掌儀司

御茶膳房

總管大臣無定員尚膳正尚茶正頭等侍衛各一人二等侍衛各二人尚膳副尚茶副三

等侍衛各二人尚膳三等侍衛四人藍翎侍衛七

人尚茶三等侍衛三人藍翎侍衛四人主事一人

委署主事一人筆帖式十有二人掌設

用茶品供奉御饌及供應賜茶筵宴之

事

中正殿管理事務

員外郎二人
筆帖式四人

雍和宮管理事務

郎中一人員外郎一人筆帖式三
人掌造辦佛像供應念經事務

咸安宮官學

管理事務大臣一人協理事務大臣一
人總裁滿洲二人漢人四人以翰林院

官充管理事務郎中二人員外郎二人筆帖式一人滿教習十三人漢教習九人官學生一百十八人蒙古學總裁二人管理事務司官二人教習二人官學生二十四人

景山官學

兼管事務司官五人滿教習九人漢教習十二人官學生三百八十八人掌訓迪內

府三旗之俊秀教之書射以作興人材

御藥房

兼管司官二人內管領一人主事一人委署主事一人副內管領二人庫掌二人署庫掌二人

筆帖式十二人掌詳慎供用藥料和合丸散之事

都虞司

郎中二人員外郎五人主事一人委署主事一人筆帖式二十六人催長八人掌府

屬武職陞補及三旗禁旅訓練遣調供應畋漁之禁令初名尚膳監康熙十六年改為都虞司

內務府武職

鑲黃正黃正白三旗護軍營護軍統領各一人護軍叅領各五人副護軍

叅領各五人孔雀翎委署叅領各三人前鋒委署叅領各二人烏鎗護軍校各二十人舊營護軍校

各十三人前鋒護軍校各二人前鋒戴藍翎委署護軍校各二人舊營戴藍翎委署護軍校各二人

筆帖式各十人國明園內務府三旗護軍營李蘭大一人護軍叅領各一人副護軍叅領各一人

委署叅領各一人護軍校各三人副護軍校各一人筆帖式四人俱掌宿衛及訓練察班之事熱河

行宮總管二人苑副四人掌總理朔衛各處行宮及陳設稽察之禁令十總十一人副十總二

十二人喀喇河屯長山峪兩間房巴克什營中闕波洛河屯濟爾哈朗圖阿穆呼朗圖張三營等處

行宮千總各一人副千總各一人王家營釣魚臺黃土坎十八理汰等處行宮副千總各一人

溥仁寺普樂寺安遠廟普陀宗乘廟殊像寺千總
各一人副千總各一人普寧寺須彌福壽廟千總
各一人副千總各二人廣安寺羅漢堂把總各二
人掌典守稽查之事養鷹狗處管理事務三人協
辦事務魚鷹狗統領二人藍翎侍衛頭領五人六
品職銜副頭領五人筆帖式五人內養狗處頭目
二人副頭目二人外養狗處頭目六人副頭目
六人筆帖式三人掌飼養鷹狗以供蒐畋之事

慎刑司

郎中二人員外郎四人主事一人委署主
事一人筆帖式二十人掌府屬審讞之事

初名尚方司康熙
十六年改慎刑司

營造司

郎中二人員外郎八人主事一人委署主
事一人筆帖式二十六人掌繕修工作及

薪炭陶冶之事初名惜薪
司康熙十六年改營造司

官房租庫

值年總管內務府大臣一人郎中一人員外郎三人筆帖式七人庫掌一人掌

內外城官房之租課按月徵收以供營造司之用

御書處

管理事務大臣一人兼管郎中員外郎無定員監造一人署監造一人庫掌三人署庫掌六人

筆帖式二人掌收刊

御筆裱搨之事

武英殿修書處

管理事務王大臣一人監造二人庫掌四人署庫掌六人筆帖式四人掌

繕刻裝潢各館書籍及宮殿陳設書籍之事乾隆四十三年定設有總裁二人提調二人纂修十二人

養心殿造辦處

郎中三人員外郎二人主事一人委署主事一人庫掌六人司匠十三人

筆帖式十五人掌造辦供御

物件監督工作管理儲藏之事

慶豐司

郎中一人 員外郎八人 主事一人 委署主事一人 筆帖式十五人 廐長十人 廐副十

九人 掌蕃息牛羊羣
收供用考成之事

臣等謹按內務府之制以七司各掌府事其餘分
建衙門並鑄給關防印信統轄於總管大臣而不
與七司相隸屬唯是事類相近允宜依次分歸茲
並遵會典成例以類序次唯內三旗護軍營

圓明園護軍營暨各

行宮千總會典序官著於武職篇而奉行則例仍載

於都虞司卷中以府屬武職諸事均隸都虞司也
茲並從類敘於其後焉

太監職制

附

太監

總管太監十四人銜二曰宮殿監督領侍曰
宮殿監正侍副總管八人銜二曰宮殿監副侍

首領太監一百八十九人銜二曰執守侍曰侍監
副首領四十三人無品級太監無定額順治年定
制不過千餘人筆帖式四人惟敬事房有之乾隆
七年定宮內等處太監官職以四品為限永不加
至三品以上
十一條又凡例四條各處首領太監處分例十六
條永遠遵守錢糧俱按現行則例內額數不許增
添其職掌惟敬事房辦理宮內一切事務禮儀及

承行內務府文移再收納外庫錢糧其餘專掌隨侍守護承應灑掃坐更等事

臣等謹按周禮以奄序官者惟內小臣為上士注謂奄上士奄之賢者但言奄則府史之類然則成周之制於內臣未嘗不班之以爵第限以上士不使踰越而所供惟飲食門閭之事斯百代之良規矣漢唐以降人主因其職在禁近漸加委任遂干政事履霜堅冰淪胥莫救數或逾萬爵至開府逮於前明其弊尤甚欽惟我

世祖章皇帝鑒古垂訓設立鐵牌裁定內官員數

列聖相承無不防微杜漸訓誡周詳凡諸內臣恪恭職守
無稍踰越我

皇上恪遵

成憲親定規條授爵以四品為限而統以內務府大臣正
與周禮之領於天官者若合符節

聖人治內之明度越千古茲附著太監職制於內務府
之後以昭定制焉

武備院

御

二人又

特簡大臣兼管無定員掌總理陳御用武備修造器械及賞賜支放之事

初名鞍樓以侍衛三人員外郎等官掌理順治十一年改為兵仗局十八年改今名雍正三年侍衛

三人定為御職乾隆十四年定為御二人

堂司員

郎中一人主事二人委署主事二人筆帖式二十八人掌題奏事件總理四庫收發

大移之事

北鞍庫

員外郎二人庫掌二人署庫掌一人傘房掌蓋三人署掌蓋三人班領三人署庫掌

一人帳房處司幄三人署司幄三人鞍版司匠一人掌供奉上用鞍轡織蓋幄幕之事

南鞍庫

員外郎二人庫掌二人署庫掌一人熟皮作司匠一人掌官用鞍轡之事

甲庫

員外郎二人庫掌二人署庫掌一人鍛作司匠三人掌盛甲刀仗旗纛器械之事

氈庫

員外郎二人庫掌二人署庫掌一人司匠一人司弓三人署司弓三人署司矢三人署司矢

三人髡頭作司匠一人靴皮作司匠一人掌弓箭靴鞋氈片之事

上駟院

卿

二人又御廄事務

初名御馬監順治十八年改為阿敦特簡大臣兼管無定員掌總理

衙門康熙十六年改今名初以大臣侍衛等官管理雍正六年定為御職乾隆十四年定為卿二人

堂司員

堂郎中一人主事一人委署主事一人掌辦理揀選補放及稽查馬匹錢糧文移檔

案等事

左司右司

員外郎各一人主事各一人委署主事
各一人筆帖式二十二人左司掌內外

羣廐游牧處馬駝數目及定議賞罰之事右司掌
員役俸廩馬駝草豆及稽察奏銷之事又司鞍長
三人廐長十七人牧長五人副牧長五人牧廐副
四十五人蒙古醫生頭目三人掌謹慎出入時其
畜牧以聽堂
司之政令

奉宸苑

卿二人又固事務

初
景山 瀛臺事務屬尚膳監康熙
特簡大臣鯨管無定員掌總理苑

二十三年設立奉宸苑雍正六年設立御職乾隆十四年定為卿二人

堂司員

郎中一人 員外郎四人 主事一人 委署主事一人 苑丞十三人 筆帖式十五人 郎中

主事掌題奏咨行補授職員之事 員外郎掌分管各處河道園囿事務 苑丞掌看守直宿陳設之事

玉泉山稻田廠

庫掌一人 筆帖式三人 掌辦理稻田時種儲藏之事

南苑

郎中一人 員外郎二人 主事一人 委署主事一人 掌本苑官職陞除及分管九門草甸圍牆樹

木牲獸之事 苑丞三人 苑副六人 筆帖式五人 掌看守直宿陳設器皿諸事 初屬採捕衙門 康熙二

十三年歸併

奉宸苑

圓明園

管理事務大臣無定 員外郎中一人 協辦事務郎中一人 主事一人 委署主事一人 苑丞六

人 苑副十七人 筆帖式九人 庫掌二人

長春園

熙春園

綺春園

春熙院

管理事務員
外郎一人苑

丞三人苑副九
人筆帖式四人

暢春園

管理事務郎中一人苑丞四人苑副
六人署苑副十六人筆帖式六人

清漪園

靜明園

靜宜園

管理事務員外郎各一
人苑丞九人苑副十人

筆帖式四人學習筆帖式二
人催長二人分掌園亭事務

織染局

員外郎無定員司庫一人筆帖式三人庫
使六人司匠二人領催二人掌織造

上用緞紗染
綠繡繪之事

皇朝通志卷六十六

欽定四庫全書

皇朝通志卷六十七

職官畧四

太常寺

卿滿洲漢人各一人或祭祀禮樂之事初隸禮部後歸本寺掌行

少卿滿洲漢人各一人職任與卿同

寺丞滿洲一人漢人二人

典簿滿洲漢人各一人

博士

滿洲漢軍漢人各一人
司庫滿洲一人

協律郎

漢人五人

讀祝官

滿洲八人

贊禮郎

滿洲二十四人
漢人十四人

司樂

漢人二十三人
歸禮部統轄

筆帖式

滿洲九人
漢軍一人

壇

廟官

天壇
漢人各一人

地壇
尉滿洲各八人
祠祭署奉祀
太廟尉滿洲

十人 社稷壇尉滿洲五人 堂子尉滿洲八人 日壇 月壇祠祭署奉祀各一人

先農壇祠祭署奉祀祀丞各一人 帝王廟祠祭署無專員以贊禮郎司樂內一人委理

神樂署 署正一人左右署丞各一人 歸禮部統轄

臣等謹按我

國家懋崇祀典樂備禮明

列聖相承無不敬

天尊

祖肅奉明裡凡遇

郊

廟大典

躬行裸獻固非三代以後具文從事者所克比擬於萬
一至樂官祀丞之屬初沿明制率用道流乾隆七
年特奉

詔禁止凡充太常樂員者毋得仍習道教祀事祇承於
是益加嚴潔矣

陵寢各官

永陵掌關防官一人副關防官兼內管
領一人副關防官兼尚茶正尚膳正二人筆帖

式四人 永陵總管一人翼領二人防禦十
有六人 福陵掌關防官一人副關防官二

人尚茶正尚膳正各一人內管領一人筆帖式四
人 福陵總管一人翼領二人防禦十有六

人世襲騎都尉一人雲騎尉品級官七人六品官
一人七品官五人八品官四人 昭陵掌關

防官一人副關防官二人尚茶正尚膳正各一人
內管領一人筆帖式四人 昭陵總管一人

翼領二人世襲一等侍衛兼二等輕車都尉一人
防禦十有六人世襲雲騎尉四人雲騎尉品級二

人世襲六品官七人以上俱滿洲員額掌守衛
三陵凡班直之令饗獻之禮灑掃之節咸以

時分司其事焉 永陵總管等員康熙九年
置寧關防等員康熙十一年置 福陵

昭陵寧關防總管等員俱順治十三年置又
永陵有副總領司香尚膳及國戚章京等

員 福陵有副茶領副膳領尚茶尚膳司香
管千丁佐領等員又 國戚章京六十五員

昭陵有副總領尚茶尚膳司香管千丁佐領等
員又 恩賜國戚防禦品級三員 國戚章京

二十員俱順治初年以來先後增置 東陵

泰陵管理承辦事務衙門宗室貝勒貝子

公均無常員 東陵 泰陵內務府總

管各一人掌帥其屬而嚴衛護時薦享以祇奉

陵寢初康熙二年始除內大臣侍衛等守護

孝陵康熙六十一年十二月建

景陵 特命以王公守護別置大學士尚書

侍郎領侍衛內大臣內務府總管副都統散秩大

臣 乾清門侍衛 御前侍衛等員皆有缺

不除乾隆二年定守護 泰陵人員貝勒二

人公一人大臣官員十人侍衛十人皆奉 旨

除住尋設 東陵 泰陵承辦事務衙

門各鑄給印章以守陵之貝勒貝子公及內務府總管等同領其政令焉守陵寢總

兵官馬蘭鎮泰寧鎮各一人掌督帥官兵巡防遊徼以翼衛陵寢其內務府總管奉命

兼攝者皆由特簡不為例昭西陵

奉祀禮部郎中一人員外郎二人讀祝官二人贊

禮郎四人筆帖式二人孝陵奉祀禮部掌

關防郎中一人兼管孝陵事務員外郎

二人讀祝官二人贊禮郎四人筆帖式二人

孝陵奉祀禮部員外郎二人讀祝官二人贊

禮郎四人筆帖式二人景陵奉祀禮部郎

中一人員外郎二人讀祝官二人贊禮郎四人筆

帖式二人景陵皇貴妃園寢讀祝官二人

贊禮郎三人景陵妃園寢讀祝官二人贊

禮郎三人泰陵奉祀禮部郎中一人兼管

泰陵事務員外郎二人讀祝官二人贊

禮郎四人筆帖式四人
員外郎二人讀祝官二人贊禮郎四人筆帖式四

人
禮郎三人
泰陵妃園寢主事一人讀祝官二人贊
孝賢皇后陵寢奉祀禮部郎中一

人員外郎二人讀祝官二人贊禮郎四人筆帖式
二人
純惠皇貴妃園寢讀祝官二人贊禮郎三

人
端慧皇太子園寢讀祝官二人贊禮郎三人
東陵承辦事務衙門主事二人筆帖式二

人
事一人筆帖式四人以上
西陵承辦事務衙門主事一人委署主
東陵宗室郎中

一員外郎一主事一
主事一餘俱滿洲員額郎中員外郎主事掌判署
泰陵宗室員外郎一

文案監視禮儀歲供其品物以序祀事讀祝官掌
讀祝詞奉制帛贊禮郎掌讚唱導引以詔行禮之

節筆帖式掌繕錄文移員額
後置乾隆二年定以
孝陵奉祀禮部郎中
康熙二年以來先

為掌關防郎中凡各
見請
陵事務皆令會同辦
旨簡補四十六

年改置宗室郎中員外郎主事共五人
東
陵工部郎中一人員外郎四人筆帖式四人

秦陵工部郎中一人員外郎一人筆帖式四人
秦東陵工部員外郎一人
秦陵妃

園寢工部主事一人掌歲時修葺繕治之事祭祀
則供其楮幣官府所須咸給器具焉員額自康熙二

年以來先後置
昭西陵內務府郎中一人
員外郎一人主事一人尚茶正尚膳正各一人內

管領一人筆帖式二人
孝陵內務府郎中
一人員外郎一人主事一人尚茶正尚膳正各一

人內管領一人內副管領一人筆帖式二人
孝東陵內務府郎中一人員外郎一人主事一

人尚茶正尚膳正各一人內管領一人筆帖式二
景陵內務府員外郎一人主事一人尚

茶正一人尚膳正二人內管領一人內副管領一人
人筆帖式二人景陵皇貴妃園寢內務府

員外郎一人尚茶副尚膳副各一人委署內副管
領一人泰陵內務府員外郎一人主事一

人尚茶正一人尚膳正二人內管領一人內副管
領一人筆帖式二人泰東陵內務府郎中

一人員外郎一人主事一人尚茶正尚膳正各一
人內管領一人筆帖式二人泰陵妃園寢

內務府主事一人內副管領一人孝賢皇后
陵寢內務府郎中一人員外郎一人主事一人尚

茶正尚膳正各一人內管領一人內副管領一人
筆帖式二人純惠皇貴妃園寢尚茶副尚膳副

各一人委署內副管領一人端慧皇太子園寢
內副管領一人尚茶副尚膳副各一人以上俱內

務府員額郎中員外郎主事掌奉祭祀奠享之禮
掃除開闔之節藝林木雜草萊皆因時經理之尚

恭尚膳正副掌熟俎之具蔬茹之品醢醢之用咸
潔治而敬共之內管領內副管領掌餠餠飴蜜之
物以時薦之筆帖式分掌文案員額康熙二年以
來先後置

昭西陵防禦十有六人驍騎校

二人筆帖式二人

昭西陵

孝陵總管一人翼領二
孝東陵事務防

禦十有六人輕車都尉一人雲騎尉二人驍騎校
二人筆帖式二人

孝東陵防禦十有六人

驍騎校二人筆帖式二人

景陵總管一人

翼領二人防禦十有六人驍騎校二人筆帖式二
人

景陵皇貴妃園寢防禦四人驍騎校一
人

景陵妃園寢防禦八人驍騎一人

泰陵

泰東陵總管一人翼領二人防禦

四十人驍騎校五人筆帖式二人

孝賢皇后

陵寢總管一人翼領二人防禦十有六人驍騎校
二人

妃園寢防禦八人驍騎校一人

端慧皇

太子園寢防禦委署翼領一人防禦七人委署驍騎校一人以上俱滿洲員額總管翼領掌帥八旗官兵巡視守護防禦驍騎校掌守衛門戶庫藏祭祀則共其几筵筆帖式分掌文案員額自康熙二
年以來
先後置

臣等謹按我

朝祀事加隆禮明儀備凡

壇

廟

陵寢各官皆以敬供典禮其職掌之分見於禮部工部內

務府太常寺者謹滙敘於此以昭崇重

太僕寺

卿

滿洲漢人各一人掌兩翼牧馬場之政令凡隨蹕司慢城網城之事初附於兵部武庫司

後析建衙署獨掌行之又初設有寺丞常盈庫漢大使主簿等官後俱裁

少卿

滿洲漢人各一人

左司

員外郎滿洲蒙古各一人主事滿洲蒙古各一人掌馱載駝隻以備巡幸之用初不

分司乾隆六年始置左右二司各分職掌

右司

員外郎滿洲蒙古各一人主事滿洲蒙古各一人掌察驗牧場馬匹盈虧以時印烙

主簿

滿洲一人掌章奏文移

筆帖式

滿洲八人蒙古八人

兩翼牧場官

統轄兩翼總管一人以察哈爾副都統兼理兩翼總管各一人翼長各一

人護軍校各四人張家口辦理牧場事務主事一人筆帖式一人俱掌張家口外兩翼牧場之事凡總管員闕於察哈爾佐領世爵及牧場翼長等官內選用翼長以下於護軍校等官選用皆由寺引見注授張家口主事於本寺主事筆帖式內選派

臣等謹按秦漢以後戎馬皆養於官以太僕專司其事利害得失之由具詳史冊我

朝考牧精詳斯臧誌慶即口外草肥土衍之地分置
牧廠自太僕寺左右翼暨上都達布遜諾爾達里
岡愛烏梁海大凌河以及蒙古部落孳牧蕃息雲
錦成羣遠軼前古而哈薩克拔達克山等部競以
所產上貢

天閑牧廐豐盈標營充實按地分飼條格精詳牧政之
善古今莫及也

光祿寺

卿

滿洲漢人各一人或

欽派大臣兼管掌祭饗宴勞酒醴膳饌之事初隸禮部後以精膳司

所掌析

歸本寺

少卿

滿洲漢人各一人

大官署

署正滿洲漢人各一人署丞滿洲二人掌肉脩茹蔬之屬辨其物而共之

珍饈署

署正滿洲漢人各一人署丞滿洲二人掌及時獻其禽魚以供祭祀燕饗

良醢署

署正滿洲漢人各一人署丞滿洲二人掌共祭祀燕饗之酒醴

良醢署

署正滿洲漢人各一人署丞滿洲二人掌共百事之鹽及果實醢醬之屬

典簿

滿洲漢人各一人掌章疏文移

司庫

滿洲二人掌
庫幣出納

筆帖式

十八人

順天府

府尹

漢人一人掌京畿之治理雍正元年以來又
以部院大臣兼管府事皆由特簡其首

領有經歷照磨司獄崇
文門副使漢人各一人

府丞

漢人一人掌
學校之政令

治中

漢人一人掌供文
武鄉會試之糈餼

通判

漢人一人掌京城各市牙儉之籍而權
其常稅初設推官一人康熙六年裁

臣等謹按順天府初止轄大興宛平二縣康熙十
五年始以昌平良鄉等州縣併隸順天府今所屬
自大興宛平以外凡州縣二十有五設東西南北
四路同知以分領之皆兼統於直隸總督復

特簡大臣兼管府事以重其任茲專敘京尹衙門於此
至順天府所屬州縣各職俱分載直省各門故不
另贅奉天府倣此

鴻臚寺

卿

滿洲漢人各一人掌朝會賓客吉山行禮傳贊之事諸藩入貢與夫百官之謝恩者並鴻

臚引奏初隸禮部後歸本寺以禮部滿尚書總統之

少卿

滿洲漢人各一人職掌與卿同

鳴贊

滿洲十六人漢人二人掌儀導及行禮唱贊之事

序班

漢人四人掌序百官之班位

主簿

滿洲漢人各一人掌文移章牘

筆帖式

滿洲四人

臣等謹按初設漢左右寺丞康熙五十二年裁

國子監

祭酒

滿洲漢人各一人又欽派大臣兼管掌成均之法以時程課諸生每歲仲春仲秋上

丁祀

先師則總其禮儀初兼太常寺少卿銜後倂初隸禮部後歸本監

司業

滿洲蒙古漢人各一人職掌與祭酒同

監丞

滿洲漢人各一人職掌學規以督教課均廩糈

博士

滿洲漢人各一人掌闡明經說以助督課

助教

六堂漢人各一人分教直省俊選之士八旗官學助教滿洲十六人蒙古八人分教八旗

子弟八旗官學漢教習由本監奏請考補三年期滿候用算法館助教漢人一人分教算學生俄羅

斯學助教滿洲漢人各一人分教俄羅
斯子弟俱由額設內輪選二人兼司之

學正學錄

學正漢人四人學錄漢人
二人分隸六堂以掌教課

典簿

滿洲漢人各一
人掌簿書文移

典籍

漢人一人掌經史
以資諸生誦習

筆帖式

滿洲四人蒙古
漢軍各二人

臣等謹按成均之法為教化所由興我

國家崇儒重道學校風行

皇上親詣太學

謨詰屢申乾隆四十八年復

特命勦建園水辟雍斟酌古度地鳩工事既藏于五

十年仲春上丁

釋奠禮成

躬臨講學蓋自元明五百年以來久未建置而

大聖人久道化成聿昭

茂典

御製碑記發明復古之意槐市諸臣恭逢

盛儀益當推廣

教思興起多士也

欽天監

監正

滿洲西洋各一人並特簡大臣兼理掌
察天文定氣朔占候步推之事每歲孟冬朔

日呈奏明歲時憲書移禮部頒行於天下初西洋
監正名曰監修雍正三年更正所屬主簿二人初

有漢監

正後省

監副

滿洲漢人各一人左
右監副西洋各一人

時憲科

五官正滿洲蒙古各二人掌譯布文宇秋
官正漢軍一人春夏中秋冬官正漢人五

人各掌推驗之事五官司書漢人一人掌刊布時憲書博士滿洲三人漢軍二人漢人十有六人歲以漢博士二掌直樵樓初託回回科後裁歸漢軍秋官正掌之

天文科

五官靈臺郎滿洲三人漢軍一人漢人四人五官監候漢人一人博士滿洲三人漢人二人掌賦天象之垂書雲物以協歲事

漏刻科

五官挈壺正滿洲漢人各二人五官司晨漢軍一人博士漢人六人掌調壺漏測中

星審緯度相陰陽以誅時日而卜營建焉

主簿

滿洲漢人各一人掌章奏文籍

筆帖式

滿洲十一人蒙古四人漢軍二人

天文生

食俸者四十八人食糧者五十六人分隸三科各掌司推算觀候之事

陰陽生

漢人十人隸漏刻科

太醫院

院使院判

院使漢人一人左右院判漢人各一人掌醫之政令率其屬以供醫事

御醫以下等官

御醫十有五人吏目三十人醫士四十人醫員三十人俱漢人員額掌九科之

法以治疾分班侍直給事官中者曰宮直給事外廷者曰六直御醫等官初制增減不一後定設如

今額

聖賢後裔世職

衍聖公

掌奉
准封爵

至聖孔子闕里廟祀順治元年題
一如前朝階正一品班列尚書上

二年改

賜三臺銀印十三年依例授光祿

大夫十六年依例

給清漢文三臺銀印乾隆十四

年改給清漢篆文

一品三臺銀印

翰林院五經博士

二十六人孔氏北宗一人南宗
一人元聖周公復聖顏子宗聖

曾子亞聖孟子先賢仲子閔子冉子伯牛冉子仲
弓端木子言子卜子顓孫子有子周子明道程子

伊川程子張子邵子後裔各一人朱子後裔二人
先儒韓子後裔一人闕氏後裔三人各掌奉祀之

事

聖裔太常寺博士

一人掌奉聖
澤書院祀

聖裔國子監學錄

二人一奉尼山書院
祀一奉洙泗書院祀

聖裔國子監學正

一人掌奉儀
封聖廟祀

聖裔世襲六品官

一人掌分獻崇聖祠
前代曲阜用孔氏世職
國初仍知縣乾

隆六年改為世襲六品官
曲阜縣缺不必拘用孔氏

四氏學

教授一人學錄一人掌訓
課孔顏曾孟四氏生徒

聖廟執事官

四十人掌凡祭祀分獻
及爵帛香祝之執事

司樂等官

司樂一人掌樂章樂器奎文閣典籍一
人掌書籍及禮生屯田管勾一人掌祀

田錢穀之出入林廟守衛司百戶一人掌林廟之
戶籍知印一人掌書一人書寫一人掌公府文書

印信奏差一人掌齋衍聖公章奏隨
朝伴官六人掌隨衍聖公朝覲辦事

臣等謹按聖裔世爵始自西漢若餘官則後漢始

置百石卒史然至晉時已廢後魏孝文嘗官孔氏
顏氏而亦未聞世襲也至唐末始以文宣公兼曲
阜令宋時又置官學教授自是歷代相承遞有增
設更元及明置官漸備然四時將享主鬯者雖膺
上公之封而駿奔者不皆服官之侶至

國朝設六等執事官然後牽牲贊采章紱輝煌真足

以補前朝之闕典矣

皇朝通志卷六十七

欽定四庫全書

皇朝通志卷六十八

職官畧

五

領侍衛府

三旗領侍衛內大臣

六人

掌統領侍衛親軍內大臣

六人

散秩大臣

無定員俱掌先後

宸御左右翊衛

黃正白三旗皆
曰侍衛用備隨侍宿直而宗室之秀外藩之侍子

亦得預選統以勲戚大臣以重環衛之職焉

侍衛

御前侍衛 乾清門侍衛俱無定員一等侍衛三旗六十八人宗室九人二等侍衛三

旗一百五十人宗室六十三人藍翎侍衛三旗九十八人漢

人侍衛無定員掌宿衛扈從更番輪直凡六班班分兩翼行幸駐蹕宿衛如宮禁之制扈從

則前導隨行其分司職守者有粘杆處侍衛三十人上駟院侍衛二十四人養鷹狗處侍衛九人

善扑處武備院鑾儀衛及諸達侍衛無定員皆統於三旗員額順治初以漢廕生簡選侍衛尋罷康

熙二十九年以武進士之嫻騎射者擢置侍衛附於三旗三十七年設宗室侍衛雍正三年於藍翎

侍衛中選其材技為四等侍衛後仍為藍翎侍衛五年定制武進士一甲一名授一等侍衛二名三

名授二等侍衛二甲得選三等侍衛三甲選藍銅侍衛七年以宗室侍衛併入三旗舊設三旗印務班領十二人班領十二人乾隆三十六年改印務班領為一等侍衛班領為二等侍衛凡侍衛十人則設之長三旗侍衛什長六人

親軍校

鑲黃旗二十五人正黃旗二十六人正白旗二十五人又有五旗附入三旗之親軍

校領黃十人正黃十有一人正白九人掌率其屬隨侍衛以執事

主事

一人署主事二人筆帖式三旗各四人貼寫筆帖式三旗各九人掌章奏文移

臣等謹按自古周廬千列設戟百重環衛之官其職彌重周禮宮正宮伯實後世郎衛所由始其時

皆以勲親入侍休戚一心法制盡善漢代三署郎
多選經明行修者充之猶為不失遺意厥後或權
移官豎或委寄非人代多流弊我

朝侍衛之職訓習有道稽覈有方出則當折衝之任
入則備翊衛之班所以上應勾陳環拱

宸極者其規模實為閎遠矣

鑒儀衛

掌衛事大臣

一人以王公大臣管理掌供奉
東興秩序鹵簿辨其名數與其班列

凡祭祀朝會時巡
大閱則帥所司而敬供之

鑾儀使

三人內二人以滿洲蒙古兼授一人以漢人漢軍兼授職任與掌衛事同順治元年

置錦衣衛指揮使等官二年改為鑾儀衛四年罷指揮使置鑾儀使及副使等官五年罷鑾儀副使定鑾儀使滿洲漢人員額各二康熙三十年省漢人一人所隸有軍尉旗尉民尉奉輦旗尉百六十八人民尉六十人各執事旗尉二百四十六人民尉一千八百五十六人皆分隸各所三旗蒙古布勒器三十人漢軍更夫四十人

左所

掌所印冠軍使滿洲一人掌鑾輿司馴馬司司印雲麾使滿洲二人閒散雲麾使滿洲一

人雲麾使漢軍二人治儀正滿洲四人漢軍五人整儀尉滿洲二人漢軍八人掌輿乘輦輅之事

右所

掌所印冠軍使滿洲一人掌擘蓋司弓矢司

人雲麾使漢軍一人治儀正滿洲三人漢軍二人
整儀尉滿洲二人掌綴蓋儀刀弓矢槍戟之事

中所

掌所印冠軍使滿洲一人掌旌節司旗幢司

人雲麾使漢軍一人治儀正滿洲三人漢軍二人
整儀尉滿洲二人掌麾斂搖幢森幟節

鉞仗馬
之事

前所

掌所印冠軍使滿洲一人掌班劔司戈戟司

人雲麾使漢軍一人治儀正滿洲三人漢軍三人
整儀尉滿洲二人掌旗幟立爪卧爪吾仗之事

後所

掌所印冠軍使滿洲一人掌班劔司戈戟司

司印雲麾使滿洲二人閒散雲麾使滿洲一

人雲麾使漢軍一人治儀正滿洲三人漢軍三人
整儀尉滿洲二人掌旗幟立瓜卧瓜吾仗之事

馴象所

掌所印冠軍使滿洲一人掌散雲麾使滿洲一人
雲麾使漢軍一人治儀正滿洲二人散雲麾使滿洲一人

儀尉滿洲二人掌儀象騎駕鹵簿鏡歌前部大樂

旗手衛

掌衛印冠軍使滿洲一人掌衛事冠軍使
漢軍一人掌左司右司印雲麾使滿洲二人

人治儀正滿洲二人漢軍二人整儀尉滿洲三人
掌金鉦鼓角鏡歌大樂及午門司鐘神武門

鐘鼓樓直更之事乾隆七年以鼓手旗尉八十人
並頭尉八人隸樂部改名署史學習音律又戍尉

六十人亦改用旗
人並隸樂部焉

陪祀冠軍使等官

冠軍使漢軍二人駕儀管理雲
麾使漢軍一人治儀正漢軍三

人駕庫管理整儀尉漢軍二人各以其事隸屬於衛無專領職掌

主事經歷筆帖式

主事滿洲一人經歷漢人一人掌章奏文移筆帖式滿洲七人

漢軍

三人

鳴贊

四人掌贊鳴鞭

八旗官制

八旗都統副都統

滿洲蒙古漢軍旗各一人分掌滿洲蒙古漢軍二十四旗之政

令以宣布教養整詰戎兵釐治土田稽覈戶口凡八旗次序以鑲黃正黃正白為上三旗正紅鑲白鑲紅正藍鑲藍為下五旗我朝自肇興東土諸部以次削平歸附日衆太祖高皇帝辛丑

年始編三百人為一牛录每牛录設額真一先是我國出兵校獵不論人數多寡各隨旗黨屯寨而行每人各取一矢十人設長一領之其長稱為牛录額真至是遂以名官尋復定戶籍分為四旗曰黃曰白曰紅曰藍以純色為辨乙卯年以初設四旗為正增設鑲黃鑲白鑲紅鑲藍四旗黃白藍均鑲以紅紅鑲以白合為八旗每三百人設一牛录額真五牛录設一甲刺額真五甲刺設一固山額真每固山額真設梅勒額真二人以佐之天聰八年改梅勒額真以下為章京惟固山額真如故其隨固山額真行營馬兵定為阿禮哈超哈此為驍騎營之始九年分設蒙古八旗旗色官制與滿洲八旗同崇德二年始立漢軍二旗四年以漢軍二旗分為四旗七年定設漢軍八旗旗色官制與滿洲蒙古皆同順治十七年定制固山額真漢字稱為都統梅勒章京漢字稱為副都統

驍騎叅領

滿洲旗各五人蒙古旗各二人漢軍旗各五人副驍騎叅領各如叅領之數掌

受都統副都統之政令以頒於佐領而行之天聰八年制管甲喇者即為甲喇章京順治八年定甲喇章京漢字稱為叅領滿字如舊康熙三十四年每甲喇增置委署叅領各一人於世爵佐領等員內選用雍正元年改為副叅領

佐領

滿洲六百四十人蒙古二百有四人漢軍二百六十六人驍騎校每佐領下一人掌稽所

治人戶田宅兵籍以時頒其職掌初天命元年始編置滿洲牛录八年增編蒙古牛录天聰四年增編漢軍牛录八年制管牛录者即為牛录章京順治十七年定牛录章京漢字稱為佐領分得撥什庫漢字稱為驍騎校滿文如舊佐領所治以三百人為率丁口滋生則遞有增設佐領之制有世襲

有公中世襲佐領有四等 國初各部落長率其
屬來歸授之佐領以統其衆爰及苗裔曰勲舊佐
領其率衆歸誠功在旂常得 賜戶口者曰優
異世管佐領其僅同弟兄族里來歸因授之以職
奕葉相承者曰世管佐領其戶少丁稀合編佐領
兩姓三姓迭為是官者曰互管佐領皆以應襲者
引 見除授公中佐領則因八旗戶口蕃衍於
康熙十三年以各佐領撥出餘丁增編佐領使旗
員統之有缺則以不兼部務之大臣世
爵及五品以上文武官內簡選除授焉

印務官 印務各領滿洲旗各二人蒙古旗各一人
漢軍旗各二人印務章京滿洲旗各八人
蒙古旗各四人漢軍旗各六人印務筆帖式滿洲
旗各八人蒙古旗各四人漢軍旗各六人隨印外
郎漢軍旗各一人蒙古旗各一人掌
章疏文移案牘及繙譯行違之事

金史卷六十八
臣等謹按八旗之制為前古所未有我

國家神武開基

龍興之初建旗辨色用飭戎行厥後歸附既衆即按行
軍旗色以定戶籍先立四旗尋增為八旗迨後戶
口日繁乃次第編置蒙古漢軍八旗合為二十四
旗制度詳備及

定鼎京師分田授宅辨方正位在內則有親軍前鋒護
軍驍騎步軍之分在外則有各省駐防之制而悉

統之以八旗設官分職教養生成蓋以旗統人即以旗統兵凡隸乎旗者皆可以為兵非如前代有僉派召募之煩而後收兵之用故居則環衛周防出則折衝禦侮臂指之使磐石之固洵可超越百代垂治億年者矣

前鋒護軍統領

前鋒統領

左右翼各一人或以王公大臣兼領掌本翼四旗前鋒之政令前鋒參領前鋒

侍衛左右翼各八人委署前鋒侍衛左右翼各四人前鋒校左右翼各四十八人掌督率前鋒警蹕

宿衛凡行車止頓於御營一二里外安設卡倫立前鋒旗以為門戶列帳守衛隨印協理事務前鋒叅領侍衛左右翼各一人隨印前鋒校左右翼各二人隨印筆帖式左右翼各二人掌案

牘文

移

護軍統領

每旗各一人掌護軍之政令護軍叅領每旗滿洲十人蒙古四人內司鑰長署

司鑰長每旗各一人副護軍叅領每旗滿洲十人蒙古四人委署護軍叅領每旗各七人護軍校滿洲蒙古每佐領各一人掌董率護軍守衛宮殿門戶及紫禁城外環列周廬畜上宿直車

駕行車則宿衛御營專司網城堆鋪及清道警蹕之政令初制以上三旗護軍叅領等守衛禁門下五旗各守王公府門雍正七年始定八旗護軍均司禁衛馬隨印協理事務護軍叅領副護

軍參領每旗各一人隨印護軍校每旗各二人隨印筆帖式每旗各二人門筆帖式鑲黃正黃正白三旗各十人掌紫牘文移

圓明園八旗護軍營總統

以王公大臣兼任無定員掌圓明園翊衛之政令

營總統護軍參領每旗各一人副護軍參領每旗各二人署副護軍參領每旗各四人護軍校每旗各八人副護軍校每旗各八人掌守衛御園番直巡警隨印協理事務營總統護軍參領各二人隨印護軍校四人隨印筆帖式八人掌紫牘文移

御營嚮導總統

無定員嚮導處參領侍衛各四人前鋒枝護軍校各六人凡遇時巡以總

統一人先期率官詣車駕經行之地周覽山川通橋梁夷險隘計程入告駕行則佩橐前

導

臣等謹按歷代衛尉監門諸職雖規制具存而積久廢弛不加訓練每致軍多隱占尺籍常虛至明代流風愈下諸門管鑰甚且付諸寺人之手禁衛之事益不可問矣我

朝建旗分職基布星羅以前鋒護軍所轄專掌宿衛清蹕制度詳明規條嚴密復以時訓習操練黜陟懲勸無不感勵奮興精心簡練環衛之制洵非前

代所能比擬也

步軍統領

提督九門巡捕五營步軍統領

滿洲一人掌京城內外門禁鎖鑰統

帥八旗步軍五營將備以徵巡京師初制皆領於兵部職方司以漢主事一員專司政令康熙十三

年始改設提督九門步軍統領一員

特簡八

旗大臣綜理其事三十年以巡捕三營併隸之乾隆四十六年增為五營舊設有協理刑名事務部

臣一人乾隆四十三年省如步軍統領有以都統副都統任者仍用部臣一人協理

左右翼

步軍翼尉每翼各一人八旗步軍協尉每旗各三人步軍副尉每旗各三人捕盜校

每旗滿洲三人蒙古漢軍各一人步軍校每旗滿洲二十有一人蒙古漢軍各八人委署步軍校每旗滿洲五人蒙古漢軍各二人翼尉協尉副尉掌董率守衛捕盜步軍掌緝捕盜賊步軍校掌分汛警夜翼尉本名總尉協尉本名副尉副尉本名泰尉乾隆十九年改今名所屬領催二千二十八人步軍一萬八千七百二十六人捕盜步軍三百二十人又增步軍二千二十六人

步軍統領衙門司員

員外郎滿洲二人掌司檢旗營簿書司務

滿洲一人筆帖式滿洲十有二人掌簿籍文移

城門官

城門領滿洲十八人漢軍七人城門吏滿洲十八人漢軍七人門千總漢軍三十二

人掌內城九門外城七門晨昏啟閉之節以嚴出入稽詐偽城門領初名城門尉城門吏初名城門

校乾隆十九年改今名其員額內城每門各二人
外城每門各一人門千總初為指揮千戶順治四
年改置內外城每門各二人所屬門甲三百二
十八門軍六百四十人又礮手每門各二人

信礮官

總管滿洲一人司信礮官漢軍旗各一人
掌守白塔信礮順治十年設乾隆八年定

歸於步軍統領管轄又紫禁城內西甬子河舊
置步軍校二人步軍四十人以脩紫急差傳乾隆
四十八年增置協尉一員步軍六
十名移駐造辦處外圍地方馬

巡捕五營

中營副將一人遊擊一人都司一人守
備四人千總十人把總二十人南營叅

將一人遊擊一人都司一人守備五人千總十二
人把總二十四人北營叅將一人遊擊一人都司
一人守備三人千總八人把總十六人左營叅將
一人都司一人守備三人千總八人把總十六人

金史卷之二十一
右營參將一人遊擊一人都司一人守備三人千
總八人把總十六人掌分汛防守譏察巡邏初設
三營乾隆四十六年增左右二營共置官一百七
十一人增兵四千九百名合為一萬仍撥兵二千
依健銳營制以時操演各營置有外
委千總把總以司協防差操之事

臣等謹按都城為四方會極民物殷繁故董正之
司自古特加慎重我

朝置步軍統領之職掌管門禁提督京營

特簡親信重臣以膺斯任網維整飭法令謹嚴近復增
廣二營添設兵弁星羅碁布規條整肅立法至為

詳善馬

火器健銳虎鎗各營

火器營

總統六人以王公或領侍衛內大臣都統前鋒統領護軍統領兼任掌教演火器之

政令康熙三十年置左右翼長各一人八旗掌閫防營總每旗各一人委署翼長二人在內烏鎗護軍叅領每旗各一人副烏鎗護軍叅領每旗各二人兼管礮信每旗各一人委署烏鎗護軍叅領每旗各四人又五品頂帶花翎委署烏鎗叅領十八由烏鎗護軍校內放仍食原餉護軍校每旗二十人八人筆帖式每旗各二人掌訓練火器較試以時初制有烏鎗驍騎叅領烏鎗驍騎校乾隆三十五年省驍騎叅領以驍騎校額併入護軍校內即以副護軍叅領兼管礮信委署護軍叅領如今制又

有烏鎗藍銅長每旗二十八人八旗滿洲蒙古每佐領下烏鎗護軍六人駝騎校一人

健銳營

總督無定員以公侯大臣兼任掌督率所屬以時訓練乾隆十四年於八旗前鋒護

軍內簡雲梯精卒千人從征金川功成凱旋命以其衆特立為健銳雲梯營於香山寶勝寺旁

建屋以居之左右翼翼長各一人八旗前鋒各領每旗各一人副前鋒各領每旗各一人委署前鋒

各領每旗各二人前鋒校共五十人副前鋒校共四十人筆帖式四人前鋒演習水戰漢人侍衛十

人把總十人掌帥領營卒習雲梯馬步射烏鎗馳馬躍馬舞鞭舞刀之技又於昆明湖教水戰駕船

駛風咸精於其藝馬又藍翎長共五十人前鋒千人委署前鋒千人養育兵百人水手七十二人

三旗虎槍營

總統一人以公侯領侍衛內大臣簡任三旗總領各二人以內大臣都統

前鋒護軍統領副都統侍衛 簡用虎鎗長每
旗各七人虎鎗副長每旗各七人筆帖式三人掌
以虎鎗扈從凡遇 車駕苑狩總統等日以十
人前導安營後偵虎豹出入備伏弩箭康熙二十
三年黑龍江將軍進精騎射善殺虎新滿洲四十
人至京分隸上三旗始置虎鎗營設官以領之

臣等謹按我

朝法制周密軍威遠振康熙中特置火器營以練習

鎗礮虎鎗營以格殪猛獸政一令專技精藝熟我

皇上聖武維揚萬方震疊自歲己巳復以雲梯勝兵勦

置健銳營於香山歲時

親臨簡閱號令嚴明節制有方屹為干城腹心之選仰

見

睿謨廣運條畫精詳儲材豫而收效遠實為前古所未
有也

皇朝通志卷六十八